



Future-proofing our children

Sekolo sa Tshipi 3

Setlhogo

Joseph mo pholosi

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo “**Joseph mo pholosi**” Thuto ya sekolo sa tshipi.

Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://bit.ly/3NACSSHS
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang ban aba sekolo sa Tshipi) <i>Ela tlhoko:</i> 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wa gago botoka! <i>Tirelo ya sekolo sa tshipi ga e hete metsotso e 45 .</i> 2.3: Thuto e lebaganye (Bana ba sekolo sa Tshipi). 2.4: O ka kopa thuso mo morutabana wa gago wa sekolo sa tshipi fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.



4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo phateng.
5.	Bala thuto. E bale gape gore o e tlhologanye. Lebelela setshwantsho sa motshikinyego go re o tlhologanye botoka.
6.	Kwala dintlha tsa botlhokwa tse o batlang go di gakologelwa.

Go ruta thuto ya batlhomamisiwa mo lapeng

O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
7.	Tlhologanya maikaelelo a thuto a e leng gore ngwana wa gago o tshwanetse go a gakologelwa.
8.	Ruta ngwana wa gago thuto jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya SS .
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng.



Thuto

Setlhogo	Joseph mo pholosi
Temana	Genesis 41: 53-57 and Genesis 42
Maikaelelo a thuto	Bana ba rutwa gore Modimo o diragatsa ditsholofetso tsa gagwe.

Tshoboko ya thuto:

- Pharaoh, kgosi ya Egypt, o ne a nna le ditoro tse pedi tse a sa di tlhaloganyeng, ya ntlha, a bona dikgomo tse supa tse di nonneng di tswa mo nokeng di fula bojang, go tsweng foo a lora tse dingwe tse supa tse di bopamang di tswa mo nokeng di bo di ja tse di nonneng, mme tsa tswela le di le ditshesane. Mo torong e nngwe a bona megwang e supa e mela mo letlhakeng le le lengwefela, di ne di nonne e bile di bodule. Mme a bona megwang e e bopamang e ja e e nonneng, mme y anna e bopame fela.
- Go ne go sena ope mo Egypt yo o neng a kgona go rarabolola ditoro tse, mme mmereki wa ga Pharaoh a gakologelwa Joseph yo mo kgolegolong.
- Fa Joseph a utlwa ka ditoro tse, Modimo o ne wa mo ranolela tsone. Joseph a raya Pharaoh a re: "Ditoro tse di na le tlhaloso e e tshwanang. Dikgomo tse supa tse di nonneng le megwang e e nonneng e bua ka thobo e ntsi ya ngwaga tse di supang, mme dikgomo tse di bopamang le megwang e e bopamang e raya ngwana tse supa tsa tlala le leuba. Dilo tse di tla diragala mo Nakong e khutshwane."
- Ka gore Joseph o ne a ba tlhaloseditse ditoro, ba Egypt ba kgona go ipaakanyetsa dingwaga tsa leuba. Pharaoh o ne a baya Joseph gore e nne ene molaodi wa tiro ya teng, mme batho ba tswa mo mahatsheng a mangwe go tla go reka mo go ene.
- Jacob le ene a roma bana ba gagwe ko Egypt go reka mabele.
- Fa basimane ba fitlha ko Egypt, ba isiwa fa pele ga lekawana le lentle, ba obama fa pele ga gagwe.
- Joseph a lemoga bo mogolowe, mme a seka a ba bolelela gore ke ene mang. A ba botsa gore ba tswa kae. Fa ba mo araba a ba bona molato go nna batsaya ditlholwa, mme ba tlhalosa gore ke basimane ba le 12, gore rraabone ke Jacob, yo monnye ke Benjamin o setse ko lapeng yo mongwe o timetse. Joseph a ba raya a re ke ba tsaya ditholwa, mme a ba tshwara.
- Morago ga malatsi a mararo ba tlisiwa fa pele ga ga Joseph. A re fa ba batla go tshela a ba tseye mabele ba a ise lwapeng. Yo mongwefela o tla sala, mme ba bowe le



monnaabone. Simeon a sala, mme Joseph a tshwanelwa ke go hitlha Dikeledi tsa gagwe fa e seng jalo ba tla mo lemoga.

- Mo tseleng ba lemoga gore le madi a ba neng ba duela ka one ba a buseditswe, ba seka ba tlhaloganya.
- Fa ba bolelela Jacob se se diragetseng o ne a sa battle go ba roma le Benjamin.
- Ba leka bojotlhe go kopa rraabo, re tla bona beke e e teng gore a ba kgonne.

Thuto e e re ruta eng?

- Modimo o diragatsa ditiro tsa batho, le tsa bo mogolowe Joseph.
- Modimo o diragatsa ditsholofetso tsa gagwe.
- Joseph o ne a itshwaretse bo mogolowe e bile o ne a dumela gore Modimo o na le ene.
- Le rona a re tshepheng Modimo, o diragatsa ditsholofetso tsa gagwe mo go rona.

Dipotso tse re ka di botsang:

- 1. Toro ya ntlha y aga Josephe e ne e le ka eng?**
A: Thobo e e robilweng ke bo mogolowe e ikoba fa pele gay a gagwe
- 2. Modimo o diragaditse toro ya teng jang?**
A: Bo mogolowe ba ikoba fa pele ga gagwe fa ba batla go reka mabele
- 3. Joseph o ne a kop abo mogolowe go dira eng?**
A: Go isa mabele kwa gae mme gotla le monnaabone
- 4. Jacob o ne a dira jang fa a utlwa se?**
A: o ne a sa batle Benjamin go tsamaya

Thapelo ya ga Rre le Mme go rapela pele ga thuto:

Modimo o rategang, re lebogela letsatsi le.

Re segofatse rotlhe.

A re utlwe go nna teng gag ago

Segofatsa thuto e re tla nnang le yone

Re gakolole gore mo diemong tsholhe re ka go rapela.



*Re thuse go nna re leboga le tsholofetso ya gore kagiso ya
gago e tla aga mo go rona.*

Romela Jeso ngo tla go re tsaya

Re bo re ipaakanyeditse go mo kgatantsha

Mo leineng la Jeso

Amen